

Na osnovu odredbe člana 5. stav 1., u vezi sa članom 4. Zakona o kontroli cijena ("Službene novine Federacije BiH", broj 2/95 i 70/08), Vlada Federacije Bosne i Hercegovine, na 101. sjednici održanoj 11. maja 2009. godine, donosi

O D L U K U

O MJERAMA NEPOSREDNE KONTROLE ODREĐENIH PROIZVODA I USLUGA OD INTERESA ZA FEDERACIJU BOSNE I HERCEGOVINE

I

Ovom Odlukom propisuju se mjere neposredne kontrole cijena određenih proizvoda i usluga od interesa za Federaciju Bosne i Hercegovine davanjem saglasnosti na cijene i obaveznom obavještanju o promjeni cijena i marži.

II

Zahtjev za promjenu veleprodajne cijene uglja za termoelektrane i zemnog gasa privredni subjekti podnose Vladi Federacije BiH, putem Federalnog ministarstva trgovine. Uz zahtjev za promjenu cijena pravna i fizička lica (u daljnjem tekstu: privredni subjekti) su dužni dostaviti odgovarajuće odluke nadzornih odbora i drugu dokumentaciju kojom se obrazlaže i dokumentuje tražena promjena cijene, te mišljenje nadležnog resornog ministarstava. Ukoliko Vlada, u roku od 60 dana od podnošenja urednog zahtjeva za promjenu cijena, ne donese odluku po tom zahtjevu, smatrat će se da je saglasnost dana.

III

Privredni subjekti su dužni dostavljati Federalnom ministarstvu trgovine obavještenje o promjeni cijena i marži na malo za pogonska motorna goriva sa unutrašnjim sagorijevanjem i ulje za loženje (LUEL), čiji se promet vrši u maloprodajnom objektu (benzinska pumpa).

Privredni subjekti su dužni dostavljati obavještenje o promjeni cijena i marži na malo i za slijedeće proizvode: so za ljudsku prehranu, šećer kristal mlijeko u prahu, jestivo ulje u jediničnoj mjeri (kilogram, odnosno litar) i margarin od 250 grama.

IV

Danom stupanja na snagu ove Odluke, prestaje da važi Odluka o mjerama neposredne kontrole cijena određenih proizvoda i usluga od interesa za Federaciju Bosne i Hercegovine ("Službene novine Federacije BiH", broj 53/99 i 52/00).

V

Ova Odluka stupa na snagu narednog dana od dana objavljivanja "Službenim novinama Federacije BiH".

V broj 353/09
11. maj a 2009. godine
Sarajevo

Premijer
Dr. Nedžad Branković, s.r.